

La doturia **Margarete Mahlknecht é demez por ferias** dai 15 ai 30 de jügn y vëgn sostituida dal dot. Eduard Agreiter 0474 523 315 - 333 13 80 852.

Aldiënza dl **assessor ladin Florian Mussner** en vëndres, ai 26 de jügn, dales 9.00, tla ciasa de comun a San Martin.

SAN MARTIN Y LUNGIARÜ

Sce zacai á la faculté finanziaria ési bel peria da **sostigní le Radio Sacra Familia**, sön chël ch'al é da aldí ince le Radio dla Cöra, cun val' spënor. I podun reconesce che les trasmisciuns funzionëia dër bun, mo i operadus che laora tröp debann á dificotés finanziares. Chi che s'la sint, dess daidé, preibel, cun n'oferta a Radio Sacra Familia Bolzano.

Le Ploan

Sön scafa di libri éi prospec

por n curs por catechisc dl sacramënt dl bato a Welsberg che vëgn tigní da d'altonn, por n curs „dem Leben mehr Tiefe geben“ y por n curs „Basisinfo Christentum“ por informaziuns y iscriziuns: Amt für Katechese bz-bx.net/ru-kat, 0471 306 205.

L'ater lönesc, ai 29 de jügn, éi dales 7.30 la **prozesciun da San Linert söla Crusc**, dales 9.30 mëssa y dedò ores d'adoraziun: 10-11 Badia; 11-12 Corvara/Calfosch; 12-13 La Val; 13-14 San Ciascian; 14-15 La Ila; 15.00 contlujun y benedisciun.

SAN MARTIN

Tla **bëna por le ciomënt biologich dla cortina** y incëria vëgnel sciuré de vigni sort de ciomënt che n'alda no tla bëna, no inciaria, Al vëgn ciamó n iade perie de sciuré te bëna ma material biologich dles fosses, nia peres, fassli, spidli, plastica, tasces y d'ater patüc. Sc'i ne sun nia bugn da azeté chësc sorvisc dl comun y da se tigní a chësc invit, gnará la bëna tuta demez, y i podarun se porté le ciomënt a ciasa. Ince tla bëna dales ciandères vëgnel sciuré de vigni sort che n'alda nia ite.

LUNGIARÜ

I **contribuc dla Cöra** vëgn trac ite ince en chësta domënia do la gran mëssa te calonia o söl cunt: Ploania Longiarü: Iban: IT 63K 08010 58830 000304004931. 20 euro por persona, tuc fora i scolars y studenc! Preibel y dilan.

En chësta domënia, 21 de jügn, va i jogh da Lungiarü **sön Crëp dales Dodesc** a ti ciaré al florí de surëdl. I s'incuntun dales 18.30 sön plaza de dljia. Düc é bel invia.

La Uniu dl Sport Lungiarü tëgn n **curs da arpizé por prinzipianc** dai 16 agn insö. Le curs mët man ai 4 de messé y vëgn tigní 6 iadi, la sabeda danmisdé (9.00-11.30) y se röia ai 8 d'agost cun na griliada. Iscriziuns (al plü 10 partezipanc) y informaziuns pro Lorenz Clara 348 47 73 937. -----

En sabeda, 27 de jügn, dales 15.00, éi a San Martin tl Ciamp dl Sport le **Torné dal palé dles mendranzs linguistiches** cun i Ladins (IT), i Todësc de Südtirol (IT), i Rumantsch (CH) y i Slovens dla Čiarëncia (AT). Orars: 15.00: Ladins - Slovens; 16.20: Rumantsch - Südtiroler; 17.40: Finala 3-4 post; 19.10 finala por le 1-2 post.

L'Uniu dl Sport Lungiarü organisëia le „**Summer sport 2015**“ por döt le Comun da San Martin. Les ativités gnará despartides danter San Martin, Lungiarü y la Val Badia: jadiné, adventure park, nodé, rafting, saltarina y de vigni sort de jüc. Al vëgn tigní n curs por la elementara y por la mesana. Le curs mët man ala fin de jügn y l' ultim iade sabeda, 22 d'agost, jon ince en tända. Le trasport gnará fat cun coriera y pulmin. Iscriziuns y informaziuns pro Davide Moling 340 5090762.

L'Assoziaziun turistica invieia düc chi che va ion cun la roda a tó pert al **Börz Plose Bike Day** en domënia, ai 28 de jügn. Por chësc dé sarà da Antermëia demez le Ju de Börz slüt al trafich motorisé dales 9.30 ales 15.00. Da Cialciagn demez vëgnel aconsié da jì tla direziun dl'ora por Eores y Lijun.

Sön scafa di libri éi prospec



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.06.- 28.06.2015 nr. 30

termo da publiché: jöbia 20.00
radio: 90,40 / 93,70



12ª DOMÈNIA IA POR L'ANN B

Vangele: Merch 4,35-41

Te n iade éi gnü n vënt rodel dër sterch y les ones batô sura barca ite, tan che la barca â metü man da s'impli d'ega.

Mo Gejü s'un stô ponü te barca iadedô sön n plomac y dormî.

Ai l'à cherdé y scraiâ: Maester, ne t'un vëlel nia ch'i jun sot?

Dailò éi lovè sô,ti à manacé al vënt y ti à dit al lêch: Scuta, sta chit!

Y le vënt s'â sbonè, y al ê gnü döt chît.

Y al ti à dit:

Çiodî ëise pa na te' pôra?

Ne n'ëise ciamò degöna fede?

Dailò ài cialfè na gran tëma

y ai dijô un al ater:

Çî sort de n chestian é pa chësc,

ch'al é finamai le vënt

y le lêch che ti olga?



Le vangele da incö nes ejortëia da confidé te Chël Bel Dî ince canch'i ne sintiun nia súa presënza tl bojëgn, tl dolor y tl prigo. Propi te chëstes situaziuns éi datrai ri da confidé tl aiüt de Dî. La ria tempesta, la stleta barca - an se tëm da jí sot.

Mo i discepu ne se surandá nia al bur destin. Ince sc'ara ne va nia plü da se salvé, öna na poscibilté éi - che ne ti vëgn gnanca atira imënt: Descedé Gejü! Chësta poscibilté me resta ince a me: Cherdé Chël Bel Dî te mi bojëgn, le perié ch'al me dëides.

Sciöche Gejü é patrún sura la tempesta y les ones, insciö ál ince la potesté da operé y de brancé ite te mia vita, cotan deplü co ch'i s'un bun da m'al imaginé. Na paralela: Me lasci iö descadé sce d'atri adora aiüt? Y sc'i ne sciafii nia o ne sun nia bun da daidé, preii do l'aiüt de Dî? - Al é dagnora tla barca dla vita.

	SAN MARTIN		LUNGIARÜ
21.06.15 12^a Domënia ia por l’ann B	9.00 Corona 9.30 Gran Mëssa por la comunité en onú dl patronn dla ploania San Jan Batista y benedisciun dl tēmp	21.06.15 Domënia	7.55 Adoraziun (pröma pert) 8.15 Gran Mëssa por la comunité y benedisciun dl tēmp dedô Adoraziun (secunda pert) 14.30 Bato de Gregor Moling 15.00 Corona tla capela de S. Ujöp Freindemetz
22.06.15 Lönesc <i>Paulin, John Fisher y Thomas Morus</i>		22.06.15 Lönesc	
23.06.15 Dedolönesc <i>Edeltraud</i>	19.30 Mëssa en onú de San Jan Batista de rengraziamënt ai Agnui Custodi + + + Tone Tolpeit, Monica y Paula Vittur	23.06.15 Mertesc	
24.06.15 Dedemesaledema <i>Nade de S. Jan Batista, Ivan</i>		24.06.15 Mercui	7.30 Mëssa + + + suor Alberta, Carlo y Pio Mischi + + Severino y Angela Clara + Franz Pezzei, Ghestan
25.06.15 Jöbia <i>Wilhelm, Eleonora, Dorotea</i>	7.30 Mëssa en onú de Sant Antone aniv. Mathilde Verginer + Stina Conrater Corona por vocaziuns	25.06.15 Jöbia	
26.06.15 Vëndres <i>Vigile da Trënt, Jan, Paul</i>	19.00 Adoraziun chîta 19.30 Devoziun al Cör de Gejú	26.06.15 Vëndres	7.30 Mëssa + + de Mazchel + + Vantsch + Clara Pedevilla
27.06.15 Sabeda <i>Hemma da Gurk, Ziril d'Alessandria</i>	15.30 Mëssa tla Ciasa de Palsa 18.30 Mëssa prefestia familia Mario Barbolini + Corrado Castlunger (dla Uniun)	27.06.15 Sabeda	20.00 Mëssa prefestia familia de Bruno Mischi (de rengraziamënt) aniv. Agostin Daporta + Davide Daporta
28.06.15 13^a Domënia ia por l’ann B	9.00 Corona 9.30 Gran Mëssa por la comunité cun benedisciun dl tēmp	28.06.15 Domënia	7.55 Corona 8.15 Gran Mëssa por la comunité cun benedisciun dl tēmp 15.00 Corona tla capela de S. Ujöp Freindemetz